

Broj: 01-11-12-329-2/20
Sarajevo, 20.03.2020. godine

GEOMETRIKA d.o.o. Grude
Drinovci Visoka 344
88340 Grude

Na osnovu člana 21. Zakona o javnim nabavkama („Službeni glasnik BiH“, broj: 39/14) i Odluke o pokretanju postupka nabavke broj: 01-11-12-329/20 od 24.02.2020. godine, Ugovorni organ vam upućuje:

POZIV ZA DOSTAVLJANJE POČETNE PONUDE U PREGOVARAČKOM POSTUPKU BEZ OBJAVE OBAVJEŠTENJA O NABAVCI

I – PREDMET NABAVKE

Nabavka usluga – Uspostava katastra nekretnina Faza I – digitalizacija dijela katastarskog operata popisnog katastra općine Prozor/Rama. Obim posla je određen specifikacijom usluge koja se nalazi u prilogu Poziva.

II – PRAVO UČEŠĆA

Pravo učešća u pregovaračkom postupku ima ponuđač koji je registrovan za obavljanje djelatnosti koja je predmet ovog postupka, što se dokazuje ovjerenom validnom dokumentacijom.

III – SADRŽAJ PONUDE

Ponuđač je obavezan dostaviti ponudu koja sadrži:

1. Popunjen obrazac za cijenu početne ponude – Prilog I
2. Popunjen i ovjeren Obrazac za početnu ponudu – Prilog II (obrazac objavljen u „Službenom glasniku BiH“, br. 90/14 i 20/15), sa priložima:
 - Izjava ponuđača i
 - Nacrt Ugovora
3. Pismena Izjava o ispunjavanju uslova iz člana 45. stav (1) tačka od a) do d) Zakona o javnim nabavkama – Prilog III - Izjava mora biti ovjerena od strane nadležnog organa.

U svrhu dokazivanja lične sposobnosti (član 45. stav (1) tačke od a) do d) Zakona) ponuđač je obavezan u prilogu izjave dostaviti dokaze:

- a) izvod iz krivične evidencije nadležnog suda da u krivičnom postupku niste osuđeni pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini;
- b) izvod ili potvrda iz evidencije u kojim se vode činjenice da niste pod stečajem ili niste predmet stečajnog postupka, osim u slučaju postojanja važeće odluke o potvrdi stečajnog plana ili predmeta postupka likvidacije, odnosno u postupku ste obustavljanja poslovne djelatnosti, u skladu sa važećim propisima u Bosni i Hercegovini;
- c) potvrdu nadležne poreske uprave da uredno izmirujete obaveze za penzijsko i invalidsko osiguranje i zdravstveno osiguranje;
- d) potvrde nadležnih institucija o uredno izmirenim obavezama po osnovu direktnih i indirektnih poreza.
4. Dokazi o ispunjavanju uslova iz člana 46. Zakona o javnim nabavkama:
- Original ili ovjerena fotokopija rješenja ili izvoda o upisu u sudski registar sa prilogima ili posebna izjava ili potvrda nadležnog organa kojom se dokazuje njihovo pravo da obavljaju profesionalnu djelatnost koja je predmet nabavke;
 - Original ili ovjerena fotokopija uvjerenja o poreskoj registraciji sa identifikacionim brojem (izdato od nadležne poreske uprave u Bosni i Hercegovini) i
 - Original ili ovjerena fotokopija uvjerenja o registraciji obveznika poreza na dodanu vrijednost sa identifikacionim brojem (izdato od Uprave za indirektno-neizravno oprezivanje Bosne i Hercegovine).
5. Pismena izjava o ispunjavanju uvjeta iz člana 47. stav (1) tačka b) i tačka c) Zakona o javnim nabavkama - Prilog IV TD. U prilogu izjave ponuđač je obavezan dostaviti:
- Bilans uspjeha za 2018. godinu.
 - Dokaz da je transakcijski bankarski račun ponuditelja aktivan
6. Ponuđač je dužan u svrhu potvrđivanja tehničke i profesionalne sposobnosti dokazati da zadovoljava sljedeće uslove:
- Ponuđač kao angažirane/uposlene za realizaciju projekta mora imati najmanje sljedeća stručna lica:
- voditelj projekta: diplomirani inženjer geodetske ili informatičke struke sa minimalno 5 (pet) godina radnog iskustva;
 - ekspert za katastar: diplomirani inženjer geodetske struke sa minimalno 3 (tri) godine radnog iskustva;
 - 2 (dvije) osobe za postupak unosa (digitalizacije) podataka katastarskog operata: minimalno srednja stručna sprema geodetskog ili informatičkog smjera sa minimalno 2 (dvije) godine radnog iskustva.
- Ostalo: Ponuđač usluga je za potrebu implementacije ugovora, obavezan obezbijediti i druge stručnjake, pomoćno osoblje, kao i logističku i savjetodavnu podršku iz sjedišta pružatelja usluga.
- U svrhu dokazivanja ispunjavanja uslova iz ove tenderske dokumentacije, ponuđač je dužan dostaviti popunjenu i ovjerenu izjavu o ispunjavanju postavljenih uslova, a u smislu odredbi iz člana 50. Zakona o javnim nabavkama.
- Ponuđač je, u skladu sa odredbama člana 50. Zakona o javnim nabavkama, dužan

dostaviti sljedeće dokumente u svrhu dokazivanja činjenica potvrđenih u Izjavi, i to:
Za predloženo stručno osoblje potrebno je dostaviti sljedeću dokumentaciju, u skladu sa uslovima iz tehničke i profesionalne sposobnosti:

- Biografiju;
- Ovjerenu kopiju diplome;
- Dokaz o angažmanu traženih stručnjaka (lista PIO/MIO za stručnjake koji su u stalnom radnom odnosu ponuđača, odnosno izjava ili predugovor/ugovor o angažmanu stručnjaka koji nije u stalnom radnom odnosu ponuđača).

Ponuđač je dužan da nakon prijema odluke o odabiru, u roku ne dužem od deset (10) dana, dostavi originale ili ovjerene kopije dokumenta kojim dokazuje tehničke i profesionalne sposobnosti.

Napomena: Ponuđač može uz Izjavu tj. uz svoju ponudu, odmah dostaviti i tražene dokaze koji su navedeni u izjavi. Ovim se ponuđač oslobađa obaveze naknadnog dostavljanja dokaza. Dostavljeni dokazi moraju biti originali ili ovjerene kopije.

7. Pismena Izjava o ispunjavanju uslova iz člana 52. Zakona o javnim nabavama – Prilog V – Izjava mora biti ovjerena od strane nadležnog organa.
8. Izjava ponuđača o tome da li se na ponudu mogu primjeniti odredbe Odluke o preferencijalnom tretmanu domaćeg („Službeni glasnik BiH“, broj: 103/14). Ukoliko se na ponuđača mogu primjeniti odredbe citirane odluke ponuđači su dužni kao dokaz dostaviti Potvrdu Vanjskotrgovinske/Spoljnotrgovinske komore BiH ili potvrdu koju izdaju Privredne komore Federacije BiH ili Republike Srpske ili Brčko Distrikta Bosne i Hercegovine da ponuđač za pružanje usluga angažuje domaću radnu snagu, s tim što potvrda mora glasiti na konkretan postupak nabavke i ponuđača koji dostavlja ponudu.
9. Izjava ponuđača o periodu važenja ponude u trajanju od 30 dana, računajući od krajnjeg roka za dostavu ponuda.
10. Izjavu ponuđača da prihvata rok plaćanja od 30 dana nakon ispostavljenog računa za pružene usluge, putem Jedinственог računa trezora – Federalnog ministarstva finansija/Federalnog ministarstva financija.

IV – PODNOŠENJE I OTVARANJE POČETNE PONUDE

Zapečaćenu početnu ponudu sa naznačenom punom adresom ponuđač će dostaviti na protokol Ugovornog organa najkasnije do 06.04.2020. godine do 11:00 sati na adresu: Federalna uprava za geodetske i imovinsko-pravne poslove, Hamdije Kreševljakovića 96, 71000 Sarajevo, sa naznakom „Početna ponuda za pružanje usluga – **Uspostava katastra nekretnina – Faza I – digitalizacija dijela katastarskog operata popisnog katastra općine Prozor/Rama, Hamdije Kreševljakovića 96**, i naznakom „NE OTVARAJ“ do 06.04.2020. godine, do 12:00 sati.

Javno otvaranje početne ponude održati će se dana 06.04.2020. godine u 12:00 sati, u ulici Hamdije Kreševljakovića 96, Sarajevo.

Ugovorni organ će komisijski otvoriti početnu ponudu, konstatovati da li ponuda tehnički, ekonomski i pravno ispunjava zahtjeve Ugovornog organa.

Ukoliko početna ponuda ispunjava zahtjeve Ugovornog organa, ponuđač Geometrika d.o.o. Grude će biti pozvan na pregovore o tehničkim, ekonomskim, pravnim i drugim aspektima ugovora.

Pregovori s ponuđačem Geometrika d.o.o. Grude će se održati 06.04.2020. godine, u 12:30 sati, u ulici Hamdije Kreševljakovića 96, Sarajevo.

Nakon pregovora, u skladu sa tačkom VI ovog poziva ponuđaču Geometrika d.o.o. Grude će se uputiti poziv da dostavi konačnu ponudu sa konačnom cijenom i izvršit će se javno otvaranje konačne ponude.

V – KRITERIJ ZA ODABIR NAJPOVOLJNIJEG PONUĐAČA

Ugovor će se dodijeliti na osnovu kriterija najniža cijena.

VI – ANALIZA PONUDA I DONOŠENJE ODLUKE O DODJELI UGOVORA

Ponuda treba sadržavati sve tražene dokumente navedene u ovom pozivu, na način i u formi utvrđenoj u ovom pozivu, u suprotnom ista može biti eliminirana zbog formalno pravnih i suštinskih nedostataka.

Ugovorni organ zadržava pravo da prilikom utvrđivanja validnosti dokumenata odnosno analize ponude ponuđača Geometrika d.o.o. Grude, primjenom člana 68. stav (3) Zakona o javnim nabavkama („Službeni glasnik BiH“, broj: 39/14), a u cilju olakšanja procesa ispitivanja ocjene ponude naknadno pismeno zatraži dodatne informacije koje ne smiju predstavljati izmjenu ponude niti bitni aspekt ponude, odnosno da može prihvatiti ponudu koja sadrži greške ili propuste koji se mogu ispraviti, a time se ne mijenja bitni aspekt ponude niti narušava konkurencija. Ugovorni organ će pozvati ponuđača, ako cijeni da ima osnova za pregovore o pravnim, ekonomskim ili tehničkim aspektima ponude u cilju postizanja ekonomski najpovoljnije ponude za ugovorni organ.

Vođenje pregovora će se bazirati na fundamentalnim principima jednakog tretmana i nediskriminacije. Ugovorni organ će se pobrinuti i zaštititi povjerljive poslovne informacije koje dobiju tokom pregovora.

Tokom procesa pregovora koji se vode između ugovornog organa i Geometrika d.o.o. Grude uspostaviti će se i razjasniti uslovi ugovora.

Nakon provedenih pregovora ugovorni organ će pozvati ponuđača Geometrika d.o.o. Grude da dostavi konačnu ponudu uključujući konačnu cijenu, na bazi uslova koji su dogovoreni tokom pregovora i utvrđenih kriterija, te izvršiti javno otvaranje na dan i vrijeme koje će biti naznačeno u pozivu za dostavljanje konačne ponude.

Ugovorni organ će komisijski nakon provedenog postupka analize i vrijednovanja konačne ponude donijeti odluku o dodjeli ugovora, te nakon pravosnažnosti odluke pozvati izabranog ponuđača na potpisivanje ugovora, kao prava i obaveze ugovornih strana.

VII – NAKNADNA POJAŠNJENJA I DODATNE INFORMACIJE

Ponuđač Geometrika d.o.o. Grude može od ugovornog organa tražiti pojašnjenje tenderske dokumentacije.

Sva uvjerenja, potvrde i druge javne isprave trebaju biti u originalu ili ovjerene kopije i ne smiju biti stariji od 3 mjeseca računajući od trenutka dostavljanja ponude.

Misli se na potvrde o izmirenim obavezama od strane ponuđača u posljednja tri mjeseca od dana podnošenja ponude, računajući unazad.

Ponuda ponuđača Geometrika d.o.o. Grude treba da sadrži sve dokumente tražene u ovom pozivu i svi traženi dokumenti trebaju imati sadržaj naveden u ovom pozivu, odnosno trebaju biti složeni i označeni rednim brojem.

Kontakt osoba koja je ovlaštena da vodi komunikaciju u ime ugovornog organa sa ponuđačem Geometrika d.o.o. Grude je Tomislav Tomić, telefon: 033/586-079.

Ugovorni organ ne snosi nikakve troškove ponuđača nastale po ovom postupku javne nabavke.

Ugovorni organ zadržava pravo da prekine – otkaže postupak dodjele ugovora iz razloga navedenih u Zakonu o javnim nabavkama.

Sljedeći prilozi su sastavni dio tenderske dokumentacije:

Prilog I: Obrazac za cijenu početne ponude

Prilog II: Obrazac za dostavljanje početne ponude sa prilogima:

- Nacrt ugovora

- Izjava ponuđača

Prilog III: Izjava o ispunjavanju uslova iz član 45. stav (1) tačka od a) do d) Zakona

Prilog IV: Izjava o ispunjenosti uslova iz člana 47. stav (1) tačke b) i c) Zakona

Prilog V: Izjava o ispunjenosti uslova iz člana 50. Zakona

Prilog VI: Pismena Izjava o ispunjavanju uslova iz člana 52. Zakona

**DIREKTOR**
Željko Obradović, dipl.ing.geod.

DOSTAVITI:

1. Geometrika d.o.o. Grude;
2. a/a.